

昂張並驅 女室相宜 陽靈曲淨
金鉉虎姬 錯帝考辰 笑天天儀

北方六天

昆太傍由 路正嶽琳 琳悔駿施

火公電侯 正笑正池 淨明仙謀

鈎合靈便 殿軍伯修 无无太架

洞臨逆樓 龍機河銘 紫微九丘

道言此碧落空歌大梵隱語无量之音舊文字皆碧霞宛轉曲折成文垂芒八會天真皇人雲述句留筆而錄之以為正音有知其音能齋而誦之者諸天皆遣玉音神王碧空至真自然大神下觀其身書其功勳上奏諸天萬神朝禮地祇侍門大勳魔王保舉剋得遊行碧落身御青門此音無所不稜無所不辟無所不度無所不成碧落神風自然之音也故誦之致飛天碧空大神下觀上帝遙唱萬神朝禮三界侍軒群袂束首屈精自亡神風振響碧落洞清十方交映海嶽淵澄空洞凝光照朕合明群仙稽首飛騰玉京天地曠極神音泠泠冥慧无極大量玄玄也

元始无量度人上品妙經卷之二十

正一天師清微弟子 洪百堅 製作
道教學術資訊網站

靈寶无量度人上品妙經卷之二十一 玄二

生化胎根斷除邪穢品

道言昔於始青天中紫霄空歌太極玄土受元始度人生化胎根斷除邪穢无量上品元始天尊當說是經周回十過以召十方始當詣座天真大神上聖高尊妙行真人無鞅數眾乘空而來絳煙捧塗華晶耀輦丹碧浮駕洞光羽輪五明錦色蓋映霞芳九氣合彩洞煥太空七日七夜諸天樓閣遙開玉臺隱顯星珠絡緯日景自停神陰舒輝金波泛澆璇璣玉衡運翰靈和注泐空海神風回混翠峯蟠偃天無浮翳四氣明清一國地土山川林木緬平一等無復高下土皆作碧玉無有異色眾真侍座元始天尊玄坐空浮七宸九華明高寶座之上說經一遍諸天大聖同時稱善是時一國男女妙氣凝胎生根超秀說經二遍邪穢斷除結節通解說經三遍神棲空洞梵氣冥涵說經四遍骨有玉華顏揚金色說經五遍七世散仇福堂慶會說經六遍紫煙灌身百神愷樂說經七遍雄雌混化三一

昇遊說經八遍神光內映徹見百關說經九遍心悟洞靈證真帝臺說經十遍策名玉清侍宸金闕是時一國是男是女莫不傾心皆受護度咸得長生

道言是時元始天尊說經一遍東方无極无量品青帝梁虛生化胎至真大神無鞅之衆浮空而至說經二遍南方无極无量品赤帝仲明賓除穢至真大神無鞅之衆浮空而至說經三遍西方无極无量品白帝詡成豫化胎至真大神無鞅之衆浮空而至說經四遍北方无極无量品黑帝元道冥除穢至真大神無鞅之衆浮空而至說經五遍東北无極无量品八景明微君化胎至真大神無鞅之衆浮空而至說經六遍東南无極无量品八景玄靈君除穢至真大神無鞅之衆浮空而至說經七遍西南无極无量品八景真華君化胎至真大神無鞅之衆浮空而至說經八遍西北无極无量品八景靈暉君除穢至真大神無鞅之衆浮空而至說經九遍上方无極无量品八景吟穴君化胎至真大神無鞅

之衆浮空而至說經十遍下方无極无量品八景秘形君除穢至真大神無鞅之衆浮空而至十遍周竟十方无極天真大神一時同至一國男女傾心歸仰來者各相謂言元始天尊在始青天中演說生化胎根斷除邪穢之法我等自入流轉不出生死貪嗔愚癡墮在諸有雖福業因緣得生天上而諸天人愛迷執戀纒捨塵染尚居細塵習氣不除動羅結滯感化胎元不得淨盡生根堅固著於不滅以往為本不知道體玄妙包養太空九聖十真本無生滅胎根未斷致此撓競互相變化遞為種族屍血流行骨壞形朽我雖天人未出三界形未獨化與道相隔縱使化身猶在色境故於相視接手語言音聲不契大洞使三尸蕩流穢血生瑕邪魔乘襲背遠真道今當傾聞法音而繞天座億劫之衆一時同會非可禁止於是元始垂衣正視命黃素元君執方規之鑑天地真形支勢成字白素元君擊洞陽之鐘十方合響萬天交唱紫素元君垂階景之珠大如黍米在空玄之中去地

九丈元始登引天真大神上聖高尊妙行真人十方无極至真大神無鞅數衆俱入寶珠之中天人仰看惟見勃勃從珠口中入既入珠口不知所入國人廓散天光輝映萬氣肅清元始即於寶珠之內說經都竟衆真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度解散結節斷絕邪源傾土歸仰咸行至心忘累忘有忘化忘得忘念忘情忘識忘動忘息忘形言無理宗口無欲聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世道言元始天尊說經中所言並是諸天上帝內名隱韻之音亦是魔王內諱百靈之隱名也非世之常辭皆生化道胎清鍊胞根斷除邪氣斬滅血屍修真洞極之要言上聖已成真人通玄究微能悉其章誦之十過諸天遙唱萬帝設禮河海靜默山嶽藏雲日月停景璇璣不行群魔束形鬼精滅英回屍起死白

骨成人至學之士誦之十過則胎根生化無有世緣邪穢凋落百神合形五帝侍衛三界稽首魔精喪眼鬼杖滅爽濟度垂死絕而得生所以爾者學士邪穢漸消心未洞玄以制十方威未制天政德可伏御地祇束縛魔靈但得度身而已不能普濟萬生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人無量為萬道之宗魏魏大範德難可勝。

道言凡誦是經十過諸天齊到玄上文人為兆解稟胎已來宿血癢穢赤黑大滯西明君為兆解胞中積水腥汗屍鬼潢溺泉曲寒池之釁訟在水官考注不止連及生人生死之根災禍萌孽不得興作使胎根生化玉液仙英妙姿自然得道七魄遊逸魔影伺姦外構邪鬼淫犯胎宮夜夢燕樂與鬼同營太上玉帝以紫光九靈寶札詣南宮韓君丈人天機省中監簿按籍檢考善功生化胎根斷除邪穢億曾萬祖幽魂苦爽皆即受度上升朱宮

格皆九年受化更生得為貴人而好學至經功滿德就皆得神仙飛昇金闕遊宴玉京也上學之士修誦是經皆即受度飛昇南宮世人受誦胎根惡濁鍊化故氣尋得斷滅生化仙真邪魂穢魄淘澤清淨則延壽長年後皆得作屍解之道魂神暫滅不經地獄即得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受經者身。道言正月長齋誦詠是經上部九宮青帝羅文英執青宮之符關兆百關解散結節帝一內懽紫煙灌身神光洞照羽輝映玄為上世亡魂斷地速役度上南宮天機省也七月長齋誦詠是經中部九宮白帝寓文昇執素靈之符為兆生化胎根使斷凡因流轉停關邪正速分穢垢清蕩日霞瑩形太素生五臟七雲入泥丸身得神仙諸天書名黃籙白簡削死上生十月長齋誦詠是經下部九宮黑帝

鄭文通執黑帝之符入兆膀胱中使胞胎屍滅百穢逼絕邪魔杖爽然骨滌血兆體有五帝之王暉面有流金之皓姿常與太一公寢魁抱明月為國王帝主君臣父子安鎮國祚保天長存世世不絕常為人君安鎮其方民稱太平八節之日誦詠是經得為九宮真人三元三宮二十七真雄一无英雌一白元五宮奇耦交變又玄生化胎根掃誅邪源孕精流光玉嬰生蓮帝一坐壇萬靈莫先本命之日誦詠是經十二大結三百六十骨節八關。九宮神蓋童子中池內神感鍊變易生化胎根斷除邪穢使身不傾魂神澄正萬炁長存不經苦惱身有光明三界侍衛五帝司迎萬神朝禮名書上天功滿德就飛昇上清。道言行道之日皆當香湯沐浴齋戒入室。東向叩齒三十二通上閉三十二天心拜三十二過閉目靜思身坐青黃白三色雲氣之中內外蒼冥有青龍白虎朱雀玄武獅子白鶴羅列左右日月照明明洞煥室內三部八景二十四真環衛嚴肅項生圓象

光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經无量度人願所啓上微
徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章生化胎根斷除穢氣十
回度人百神定命離合自然雌一變魄雄一
化魂混洞變化中有帝尊呼陽召陰鍊精玉
胞升降明堂輝映景霄內結流珠融媾萬方
紫霞素雲玉嬰主金光絳闕神池宛轉冷風下
有北都萬鬼之營青蠱白姑蝕兆胎靈赤黑
二魔賊命之基帝君符告勅斬血屍洗淨胎
穢與氣交并鼓治真元運化太冥上宮圓虛
洞房玄丹明童持火焚爐邪根嬌女聞蕭辟

非和煙帝真胞命策名上玄靈府散朗位登
高宸鬱耀蕭臺玉山上京上極无上大羅玉
清眇眇劫仞若亡若存下備一身主制七關
三部八景森列萬神三華離便大有妙庭金
闕玉房玄輝耀靈大布正炁周回十方中有

生化胎根之神中有斷除邪穢之君中有混
合百神之君中有解結散節之神中有變胎
易胞之神中有南極長生帝君中有東極青
華帝君中有天機韓君丈人中有南上司命
司錄延壽益算度厄尊神回骸起死无量度
人今日校錄諸天臨軒

東方无極飛天定生神王長生大聖无量度

人

南方无極飛天感化神王長生大聖无量度

人

西方无極飛天變胎神王長生大聖无量度

人

北方无極飛天斷根神王長生大聖无量度

人

東北无極飛天易胞神王長生大聖无量度

人 東南无極飛天解結神王長生大聖无量度

人 西南无極飛天散節神王長生大聖无量度

人

西北无極飛天極真神王長生大聖无量度

人

上方无極飛天去邪神王長生大聖无量度

人

下方无極飛天除穢神王長生大聖无量度

人

十方至真飛天神王長生度世无量大神並
乘翠霞三景瑤輦素雲十華丹輿羽蓋瓊輪
騁駕朱鳳五色玄龍建九道招神之節七絕
霜羅之幡前嘯九鳳齊唱後吹八鸞同鳴靈
真導前吟詠洞章群仙景從嘯歌噫噫億乘
萬騎浮空而來傾光回駕感化定生天機丞
相南昌上宮韓司主錄監生大神為兆胎根
生化玄靈胞門紫房中有大神叩玉鳴鐘擲
火流鈴滌盡氛穢去血屍彭結節赤黑二十

四關布兆生氣除却邪紛執錄把籍齋到帝
 前隨所應度嚴校諸天普告三界无極神鄉
 泉曲之府北都羅鄴三官九府十二河源上
 解祖考億劫種親疾除罪薄落滅惡根不得
 拘留逼合鬼群元始符命時刻升遷胎根生
 化返塵歸真斷邪除穢招鎮百神七祖散仇
 五帝監盟北都寒池變化形管鍊骨成仙出
 入无門制魔保舉度品南宮死魂受符仙化
 成人生身受度劫劫長存隨劫流轉與天齊
 年永度三塗五苦八難超凌三界逍遙上清
 上清之天天帝奎零無色之境梵行

東方八天

至真堂回天	帝輝離无生
虛洞普搖天	帝賀真彌倪
遠師崇濟天	帝淵虛子銀
皓景環宗天	帝栢雲壁光
略无燕神天	帝俎司越章
牛岵兆壺天	帝直盧奚敦
妙宮蔽无天	帝亮辨由都
顧靈定度天	帝康化治衍

南方八天

喬繁麗空天	帝變无元昌
持命典仙天	帝覺玄覽常
元師究由天	帝寂度益斗
霸澤回華天	帝理名正騫
太素夷微天	帝廓益遼真
序乾標谷天	帝羊輅國賓
道表臻祥天	帝麓錫來
冥轉運邦天	帝慶祖辭仁
西方八天	
龍玄胎神天	帝車梁賜華
丘定漾炁天	帝願窮景冲
昭力支羅天	帝九用茲瀛
孝至岡虞天	帝極根環元
洞化寶陽天	帝玉汴自檀
靈緒混甘天	帝產珠凝方
救宰拔塗天	帝蔽山都真
流曜絳章天	帝晉關聲宣
北方八天	
取易火帝天	帝强完明華

憲寶聚真天

帝百愆陰成	
既本歷乎天	帝知玄得容
河陣肆師天	帝毅原彦昇
鑄精育神天	帝文鈐紫肆
胞命元化淨光天	帝秀隆幽虛
芒糲欲度天	帝並炁壹完
觀竺吉猷天	帝正瑛寂仙

三十二天三十二帝諸天隱諱諸天隱名天
 中空洞自然靈章諸天隱韻洞真之音洞无
 之尊洞觀之神攝制大魔變化神靈莫肺吞
 賊與天同生飲血搖精潛伏胎根使命夫闕
 仙道不成屍鬼改易飛身泥丸隱藏胞蒂陰
 構外邪入登玄臆薰亂宸霞上帝斬摧神燕
 玉堂九和十合變化空常无量之奧深不可
 詳數落神真普度天人今日欣慶受度歷關
 諸天解散結節斷絕胞根飛度五戶名列太
 玄魔王監舉無拘天門東斗延生西斗鍊胞
 北斗除穢南斗化胎中斗混洞一合生神青
 帝相風白帝命靈赤帝保根黑帝澤形黃帝
 守中胎穢不生青天魔玉帶珠洞羅赤天魔

王炎光滅精白天魔王斷胞交真黑天魔王
 伐邪命神黃天魔王洞觀太英五帝大魔萬
 神之宗飛行三界總攝真胎揮邪命靈七關
 廓開流布妙化上變九回穢滯既蕩骨肉同
 飛天真承命召致福祥真功內充神威外張
 凶秋殞息邪精伏藏浩炁纏結三丹玉房共
 輔帝化却滅凶衰六天大醜豁落誅摧金光
 散景玉道交馳拔度七祖損絕百非三官黑
 書永落禍基不得容隱明正元機普告無窮
 萬神總歸遊宴玉闕列言太微

空洞九玄玉帝玄靈招霞散景含虛紫煙降
 神王祀舞華胎仙道本生化靈根無垠高極
 太无上列諸天天上天下无幽无冥无形无
 影无極无窮溟滓大梵寥廓无光赤明開圖
 運度自然元始安鎮敷落五篇赤書玉字八
 威龍文保制劫運使天長存梵炁彌羅萬範
 開張元網流演三十二天下達一體混化五
 神真命應仙玄紀彌綸九府六卿列坐蓮胎
 玄一洞魂踞斗跨魁左扶火王右真伯嬰掃
 穢除邪玉靈四關位證金宸制到萬靈輪轉

无色周回十方乘踏飛步幹運七元驅除邪
 穢澄廓璇羅无溢七門灌養青芽二十四圖
 總攝真方八景冥合升降混黃中有玄一上
 帝高真泛景太霞嘯詠洞章金真朗郁流響
 雲營玉音攝氣靈風聚煙紫虛鬱秀輔翼萬
 仙千和萬合自然成真真中有神長生大君
 紫戶青房流鈴大神坐鎮明堂守護玄真執
 符把籙生化胎根斷除邪穢出入九宮八景
 之內細微之中蕩淨胃池通理百關速召萬
 神混合泥九十轉回靈與氣齊仙仙道貴生
 无量度人上開八門飛天法輪罪福禁戒宿
 命因緣普受開度死魂生身身得受生上聞
 諸天諸天之上各有生門中有空洞謠歌之
 章魔王靈篇辭參高真

第一欲界飛空之音

人道眇眇	仙道莽莽	鬼潛胎根
當人生門	使爾愚凡	不樂仙真
虛宮襲邪	穢腐來攻	高上清靈真
洞微同太虛	生化寶胎根	使爾仙道成
故氣隨日消	神風起崐崙	太洞觀玉真

紫雲繞絳庭 公子授靈符 帝一俯仰存
 謝此帝穢途 八道自然分 羽蓋珠翩翩
 羽駕適九清 錫告華天英 瓊文燦靈篇

第二色界魔王之章

眇眇高虛	瓊關我我	元始靈章
普教仙賢	下極網維	上極諸天
无量之奧	皆同我身	如何邪穢
亂我胎根	血屍沉骸	陰魄拘魂
寶山化銷	何能獨存	玄受靈符
致身帝前	此時樂兮	面返玉嬰
赤明既往	猶能別真	我界輕染
故錫寶文	除蕩氛累	召集百靈
鍊胎飛仙	披命玉宸	淨穢凌空
上為帝賓		

第三無色界魔王歌曰

骨有太空	中蟠古尸	故氣紛紛
凋爾靈芝	胞戶翳塞	欲華四披
血沉奇理	穢絕元機	我位上王
統御群靈	左持玉符	右呼天兵
蟲積胎根	擲以流鈴	使命未延

萬姦消摧 三十九真 赤書開光

生道妙玄 服此天章 千試無前

我道其昌 洞空洞无 洞真洞仙

飛神玉霞 沂車碧煙

此三界之上飛空之中魔王歌音音參洞章

誦之百遍胎根清正名度南宮誦之千遍永

斷邪穢魔王保迎萬過道備飛昇太空過度

三界位登仙公有聞靈音魔王敬形勅制地

祇侍衛送迎拔出地戶五苦八難七祖升遷

永離鬼官鍊度朱陵受鍊更生是謂无量普

度无窮有秘上天文諸天共所崇泄慢墮地

獄禍及七祖翁

道言此二章並是諸天上帝及至靈魔王隱

秘之音皆是大梵之言非世上常辭言无韻

麗曲无華宛故謂玄奧難可尋詳上天所寶

秘於玄都紫微上宮依玄科四萬劫一傳若

有至人齋金寶質心依舊格告盟十天然後

而付焉

道言生民宿无至緣識託業化胎命凡頑生

根不真朽蝕腐敗以道化鍊妙感通神邪魅

穢沫害靈即中隨結不開致冥爽來含三真

退席上學向氣皆當齊心修齋六時行香十

遍誦經福德立降消諸不祥无量之文普度

无窮

道言夫末學道淺或仙品未克運應滅度身

經太陰臨過之時同學至人為其行香誦經

十過以度屍形如法胎根淨固魂臺四明邪

穢斷除仙聖為鄰魂神徑上南宮隨其學功

計日而得更生轉輪不惑使得神仙

道言夫生體不固每有疾傷胎穢攻蝕面焦

髮素孕育不成嗣係夭折起居德劣道蒸斷

息三尸鼓動致兆死傷皆當修齋行香誦經

夫齋戒誦經功德甚重上可生化胎根保身

得道下除邪穢以度兆民生死受賴其福難

勝故曰无量普度天人

道言凡有是經能為師友兆身民人行是功

德有災之日發心修齋燒香誦經十過皆生

化胎根斷除邪穢右別至人尅得為聖君金

闕之臣諸天記人功過毫分无失天中魔王

亦保舉爾身得道者乃當洞明至言也

諸天中大梵隱語无量音 道君課

元始靈書中篇

東方八天

真庭獻莊 混壁卷常 月離珉施

几葉洞梁 嶼車錫磐 休留忘裏

馬焉胡旗 震正允臧 道密意綿

玄圖洞桓 兆寂孔幽 夷邈眇聞

旨在文應 駢貫感番 流淇溫靜

空觀无還

南方八天

素氣徇豫 華跡梁滋 延醜戮暑

英照淵昆 竭帝遠京 玉倉理瓊

霞枝雲施 子丹雲征 秀珠蔚華

南韓肆駢 宰聽幽貴 天機監元

綸極太冥 亢孤攝煙 龍運秘標

默目返綠

西方八天

敬悲觸羨 仁澤流消 槁梗昭炫

靈化香傳 混浩莽都 景驥飛旋

長古轉臺 運逸孔堅 便穴液持

激靈龍鯨 偃驅神虛 相主八關

演坑襲道 部鄒球奚 胎居消品

玉津明微

北方八天

鬼迺啖茹 辛字廷鋼 勅校九天

省錄韓注 希恍罔觀 覺超意龍

昇祛翔周 神虎萬丘 洛歌嘯宛

叩鳴和澗 閻絕溢酬 化樞既辨

陀仙浮關 嵩濂林縣 寶屈體光

梵布于鍊

道言此諸天中大梵隱語无量之音舊文字皆廣長一文欲生化胎根斷除邪穢即布丹書石上坐誦洞文則尸賊伏匿雀陰嘯怖琚驕喪睛姑俞竄隱天素佩身百靈朝謁檄統萬神天真皇人昔書其文以為正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上真道備尅得遊行三界升入金門此音无所不辟无所不穰无所不度无所不成天真自然之音也故誦之致飛

天下觀上帝遙唱萬神朝禮三界侍軒群杖東首鬼精自亡琳琅振響十方肅清河海靜默山嶽吞煙萬靈振伏招集群仙天無氛穢地無林塵冥懸洞清太量玄玄也元始无量度人上品妙經卷之二十一



正一天師清微弟子 洪百堅 製作

靈寶无量度人上品妙經卷之二十二 玄二

飛神召靈品

道言昔於始青天中九華瑩徹靈明扶宮受元始度人飛神召靈无量上品元始天尊當說是經周回十過以召十方始當諸座紫清仙界梵炁靈音三天道主玉宸聖君諸天上帝金闕高真无鞅數眾乘空而來飛雲丹霄綠輿瓊輪羽蓋垂蔭流精玉光五色鬱勃洞煥太空三日三夜諸天日月星宿璇璣玉衡一時停輪神風靜默山海藏雲和炁燿遶紫霧亂氲天無浮翳四氣朗清一國地土山川林木緬平一等無復高下土皆作碧玉無有異色眾真侍座元始天尊玄坐綠霄回旋泛光碧玉寶座之上說經一遍諸天上帝稽首言善法始出世人皆見妙理說經二遍三界萬天歸仰讚歎人獲長生說經三遍數出五行无有生滅說經四遍外境湛然內境明悟說經五遍生路可關死尸立閉說經六遍炁序和平四時混一說經七遍生死快樂无有窮已說經八遍悟解妙法得升仙境說經九